

ফেসবুকে জেএসসির প্রশ্নপত্র ফাঁসের অভিযোগ

■ ইত্তেফাক রিপোর্ট

সামাজিক যোগাযোগ মাধ্যম ফেসবুকে চলমান জেএসসি পরীক্ষার প্রশ্নপত্র ফাঁসের অভিযোগ উঠেছে। বিভিন্ন গ্রুপে পোস্ট করে ঢাকা বোর্ডের প্রশ্নপত্র ফাঁস করা হচ্ছে বলে অভিযোগ করেছেন শিক্ষার্থীদের অভিভাবকরা। তারা জানান, ফেসবুকের এসব পোস্টে বলা হচ্ছে যাদের প্রশ্নপত্র লাগবে তারা ইনবক্স করতে পারেন। ৪'শ টাকার বিনিময়ে, মেসেঞ্জার বা ই-মেইলের মাধ্যমে প্রশ্নপত্র প্রেরণ করা হবে।

একাধিক অভিভাবক বলেন, গত সোমবার অনুষ্ঠিত হয় ইংরেজি দ্বিতীয় পত্রের পরীক্ষা। ওই পরীক্ষা শুরু ৫৫ মিনিট আগে প্রশ্নপত্র পাওয়া যায় একটি ফেইসবুক মেসেঞ্জার গ্রুপে। ফেসবুকে যোগাযোগ করে ইংরেজি দ্বিতীয় পত্রের পর ইসলাম ও নৈতিক শিক্ষার প্রশ্নপত্রও পাওয়া গেছে। গতকাল মঙ্গলবার পরীক্ষা শুরুর আধা ঘণ্টা আগে একই মেসেঞ্জার গ্রুপে ওই দুটি বিষয়ের প্রশ্নও পাওয়া যায় এবং যা প্রশ্নের সাথে মিলে যায়। গতকাল সন্ধ্যার পরও ফেইসবুক মেসেঞ্জার গ্রুপটি সক্রিয় দেখা যায়। তাতে আজ(বুধবার) অনুষ্ঠিত তথ্য ও যোগাযোগ প্রযুক্তি বিষয়ের প্রশ্নপত্র ফাঁসের ঘোষণাও পৃষ্ঠা ১৯ কলাম ৩

ফেসবুকে জেএসসির

প্রথম পৃষ্ঠার পর

দেওয়া হচ্ছিল বলে অভিযোগ অভিভাবকদের।

এ বিষয়ে পরীক্ষা নিয়ন্ত্রক তপন কুমার জানান, আমি একে প্রশ্ন ফাঁস বলতে পারি না, আমাদের কাছে তো এখনও কোনো প্রমাণ নেই। ফাঁসের কোনো নমুনা তো দেখছি না।